

## KOMUNIKADO DI PRENSA DI FIU CURAÇAO

### PORTAL NOBO PA MELDU TRANSAKSHONAN NO USUAL NA FIU CURAÇAO

FIU Curaçao ta trahando di un forma diligente riba e proseso pa implementá su portal nobo pa mèldu: goAML. Kuminsando dia promé di yanüari 2021, e portal nobo aki lo remplasá kompletamente e portal pa mèldu aktual di FIU Curaçao: Corsys. Aktualmente, FIU Curaçao ta bezig ta tèst e sistema nobo ku un grupo selektá di organisashonnan ku ta mèldu. E sistema di goAML, ku a wòrdu desaroyá spesialmente pa FIUs dor di "United Nations Office on Drugs and Crime (UNODC) i ku ta wòrdu usa pa hopi FIU rònt mundu, no solamente ta un portal pa mèldu pero tambe lo sirbi komo un medio nobo di análisis pa FIU Curaçao i tambe komo un plataforma di komunikashon entre FIU Curaçao ku entidatnan ku ta mèldu, nan supervisoran di AML/CFT i otronan involví.

Den e próksimo lunanan, FIU Curaçao regularmente lo duna aktualisashon ("update") riba su wèpsait, via di media i via e-mail, pa informá esnan ku ta mèldu, nan supervisoran di AML/CFT i otronan involví, tokante e proseso di implementashon di e portal nobo i su konsekuensianan pa e entidatnan ku ta mèldu. FIU Curaçao lo prepará algun seshonnan di informashon / oportunidat pa training di kapasitashon pa tur sektor i lo duna guia na su debito momentu kon tur esnan ku ta mèldu lo mester (bolbe) registrá den e portal nobo durante e último trimèster di 2020, pa asina por fasilitá un transishon sin problema dia promé di yanüari 2021.

Tur entidat ku ta mèldu mester (bolbe) registrá, den e portal nobo: goAML pa mèldu, den e último trimèster di 2020, pa tin e posibilidat pa mèldu transakshonnan no usual kuminsando dia 1 di yanüari 2021.

For di dia 31 di desèmber 2020, niun nabegador di internèt ("internèt browser") lo sostené Adobe Flash. E reproduktor aki (Adobe Flash) ta rekerí pa por hasi uso di e portal pa mèldu aktual Corsys. Konsekuentemente, despues di e fecha ei, e portal pa mèldu aktual lo no ta aksesibel mas pa entidatnan ku ta mèldu. Mèldumentu di transakshonnan no usual, for di dia 1 di yanüari 2021, lo mester wòrdu hasi na forma elektróniko via e portal nobo goAML. Ademas, e entidatnan ku ta mèldu lo no tin akseso mas na nan reportahe di transakshonnan no usual ku nan a mèldu via Corsys, despues di e fecha ei.

Nota bene: FIU Curaçao aktualmente ta risibiendo hopi petishon pa yudansa di parti di e entidatnan ku ta mèldu ku ya kaba a kuminsá haña problema pa haña akseso na Corsys, ora nan ta usando Google Chrome komo nabegador di internèt ("internèt browser"). Ta rekomendá e entidatnan aki pa kambia di nabegador pa por trata di resolvé e problema di e forma ei, promé ku dirigí un petishon di yudansa na FIU Curaçao. Por huza por ejemplo 'Internet Explorer' of 'Mozilla Firefox'.

FIU Curaçao a implementá un e-mail speshal pa por risibí preguntanan spesífiko i petishon di informashon di parti di entidatnan ku ta mèldu tokante e proyekto di goAML: [goaml@fiucuracao.cw](mailto:goaml@fiucuracao.cw).

Pa preguntanan general por favor konsulta e informashon ku tin riba nos wèpsait ([www.fiucuracao.cw](http://www.fiucuracao.cw), bou di e tab REPORT) òf tuma kontakto via [analysis@fiucuracao.cw](mailto:analysis@fiucuracao.cw), òf via telefòn: 4626588.